

BOSNA I HERCEGOVINA  
FEDERACIJA BOSNE I HERCEGOVINE  
ZENIČKO-DOBOJSKI KANTON  
KANTONALNO TUŽILAŠTVO-TUŽITELJSTVO  
ZENIČKO-DOBOJSKOG KANTONA  
ZENICA  
Broj: T04 0 KT 0046610 21  
Zenica, 16.10.2024. godine

**OPĆINSKI SUD U TEŠNJU**  
Sudiji za prethodno saslušanje  
**TEŠANJ**

Na osnovu člana 45. stav 2. tačka i.) i člana 241. stav 1. Zakona o krivičnom postupku F BiH, podižem

**OPTUŽNICU**

Protiv:

1. **H. M.**, neosuđivan
2. **H. E.**, osuđivan presudom Općinskog suda u Tešnju od 13.01.2021. godine za krivično djelo iz člana 358. stav 3. u vezi sa stavom 1. i u vezi sa članom 28. KZ F BiH, na kaznu zatvora u trajanju od 8 (osam) mjeseci, uvjetno 2 (dvije) godine,

što su:

Dana 24.07.2021. godine, oko 19,00 sati, H. M., nakon što se prethodno doveo u stanje alkoholisanosti sa izmjerenih 0,89 promila alkohola u krvi, ušao na privatnu parcelu u vlasništvu G. A. i G. O., gdje su se u tom trenutku nalazili G. B. Z., njen sin G.A. sa suprugom G. S. i mlđb kćerkom, H. S., K. M., Š. H., Dž.Z., K. A. i Š. H., pa u namjeri da nasiljem prema drugom ugrozi građanski mir, došao do G. B. Z. i obratio joj se riječima: "Zašto ste parkirali vozila ovdje, ovo je moje.", pa kad mu je ona odgovorila da je to vlasništvo njene porodice, on joj rekao: "Ti ćeš meni govoriti!" a zatim je uhvatio za ruku i povukao preko stepenica na livadu, pa kada im je prišao njen sin G. A., u namjeri da ga teško tjelesno ozlijedi, zatvorenom pesnicom ga udario u nos od kojeg udarca je A. pao na tlo, nakon čega ga je nastavio udarati rukama po tijelu od kojih udaraca je A. zadobio teške tjelesne povrede u vidu frakture nosne kosti i lake tjelesne ozljede u vidu nagnječenja na glavi, tijelu, grudnom košu i desnom stopalu, nakon čega ga je Z. pokušala odvojiti od A., pa kad u tom nije uspjela, prišla im je snaha S., A. supruga koja je uzela deblji komad drveta i počela M. udarati njom po glavi i leđima, nakon čega se on okrenuo prema S., i odgurnuo je, uzeo joj drvo a zatim se okrenuo se prema S. majci H. S. i zamahnuo drvetom u namjeri da je udari po glavi, ali kada je ona glavu prekrila rukama, u namjeri da je lako tjelesno ozlijedi uspio ju udariti u predjelu ruke od kojeg udarca je S. zadobila laku tjelesnu ozljedu petog prsta lijeve šake u vidu luksacije interfalangealnog zgloba distalno a zatim počeo da viče da će donijeti pištolj i bombu i sve ih pobiti, a onda krenuo prema putu, a većina prisutnih je zbog straha od takvih njegovih prijetnji sjela u svoje automobile i krenuli su sa parcele, pa kada je M. vidio da su A., Z., S. i mlđb. A., A. kćerka sjeli u automobil marke „VW“, tip „Golf“, vlasništvo Njemačke firme „Destag“ Natursteinwerk GmbH, koje koristi i kojim je u tom trenutku upravljala S., sa tla uzeo jedan veliki kamen, otvorio vrata

vozila sa suvozačeve strane, pored kojih je sjedio A. i istog pokušao udariti kamenom nekoliko puta ali ga je A. uspio odgurnuti nogama pa su krenuli dalje preko livade prema putu gdje je stajao H. E., koji je, u namjeri da ošteti tuđu stvar počeo rukama i nogama udarati po karoseriji automobila, oštetivši istu na desnim vratima, iznad desnih vrata na dovratku, na desnom retrovizoru, na dva mjesta na desnom blatobranu, na haubi automobila, desno i staklu na suvozačevim vratima, prouzrokovavši štetu na istom u tačno neutvrđenom iznosu,

- 1.) H. M. počinio krivično djelo Nasilničko ponašanje iz člana 362. stav 1. KZ F BiH,
- 2.) H. E. počinio krivično djelo Oštećenje tuđe stvari iz člana 293. stav 1. KZ F BiH.